

漢

書

志

四

九

漢書卷二十八下

地理志第八下

武都郡，武帝元鼎六年置。莽曰樂平。^{〔二〕}戶五萬一千三百七十六，口二十三萬五千五百六十。縣九：武都，東漢水受氐道水，一名沔，過江夏，謂之夏水，入江。天池大澤在縣西。莽曰循虜。^{〔三〕}上祿，故道，莽曰善治。河池，泉街水南至沮入漢，行五百二十里。莽曰樂平亭。^{〔三〕}平樂道，沮，沮水出東狼谷，南至沙羨南入江，過郡五，行四千里，荊州川。^{〔四〕}嘉陵道，循成道，下辨道。莽曰楊德。^{〔五〕}

〔一〕應劭曰：「故白馬氏羌。」

〔二〕師古曰：「以有天池大澤，故謂之都。」

〔三〕師古曰：「華陽國志云一名仇池，地方百頃。」

〔四〕師古曰：「沮音千余反。羨音夷。」

〔五〕師古曰：「辨音步見反。」

隴西郡，秦置。莽曰厭戎。^{〔二〕}戶五萬三千九百六十四，口二十三萬六千八百二十四。有鐵官、鹽官。縣十一：狄道，白石山在東。莽曰操虜。^{〔三〕}上邽，^{〔三〕}安故，氐道，禹貢養水所出，至武都爲漢。莽曰亭道。^{〔四〕}首陽，禹貢鳥鼠同穴山在西南，渭水所出，東至船司空入河，過郡四，行千八百七十里，雍州窳。予道，莽曰德道。大夏，莽曰順夏。羌道，羌水出塞外，南至陰平入白水，過郡三，行六百里。^{〔五〕}襄武，莽曰相桓。臨洮，洮水出西羌中，北至枹罕東入^{〔西〕}^{〔河〕}。禹貢西頃山在縣西，南部都尉治也。^{〔六〕}西。禹貢嶓冢山，西漢所出，南入廣漢白水，東南至江州入江，過郡四，行二千七百六十里。莽曰西治。

〔二〕應劭曰：「有隴坻，在其西也。」師古曰：「隴坻謂隴阪，卽今之隴山也。此郡在隴之西，故曰隴西。坻音丁計反，又音底。」

〔三〕師古曰：「其地有狄種，故云狄道。」

〔三〕應劭曰：「史記故邽戎邑也。」師古曰：「邽音圭。」

〔四〕師古曰：「氐，夷種名也。氐之所居，故曰氐道，氐音丁溪反。養音弋向反，字本作漾，或作澆。」

〔五〕師古曰：「水經云羌水出羌中參合。」

〔六〕師古曰：「洮音吐高反。枹讀曰膚。頃讀曰傾。」

金城郡，昭帝始元六年置。莽曰西海。^{〔二〕}戶三萬八千四百七十，口十四萬九千六百四十八。縣十三：允吾，烏亭逆水出參街谷，東至枝陽入湟。莽曰修遠。^{〔三〕}浩亶，浩亶水出西塞外，東至

允吾入湟水。莽曰興武。^{〔三〕}令居，澗水出西北塞外，至縣西南，入鄭伯津。莽曰罕虜。^{〔四〕}枝陽，金城，莽曰金屏。榆中，枹罕，^{〔五〕}白石，離水出西塞外，東至枹罕入河。莽曰順礫。^{〔六〕}河關，積石山在西南羌中。河水行塞外，東北入塞內，至章武入海，過郡十六，行九千四百里。破羌，宣帝神爵二年置。安夷，允街，宣帝神爵二年置。莽曰修遠。^{〔七〕}臨羌。西北至塞外，有西王母石室、僊海、鹽池。北則湟水所出，東至允吾入河。西有須抵池，有弱水、昆侖山祠。莽曰鹽羌。^{〔八〕}

〔一〕應劭曰：「初築城得金，故曰金城。」臣瓚曰：「稱金，取其堅固也，故墨子曰『雖金城湯池』。」師古曰：「瓚說是也。」

一云，以郡在京師之西，故謂金城。金，西方之行。」

〔二〕應劭曰：「允吾音鈐乎。」

〔三〕孟康曰：「浩，疊音合門。」師古曰：「浩音誥。浩，水名也。疊者，水流峽山，岸深若門也。」詩大雅曰「鸛鷖在疊」，亦其義也。今俗呼此水爲閣門河，蓋疾言之，浩爲閣耳。湟音皇。」

〔四〕孟康曰：「令音連。」師古曰：「令音零。」

〔五〕應劭曰：「故罕羌侯邑也。枹音鈇。」師古曰：「讀曰膚，本枹鼓字也。其字從木。」

〔六〕應劭曰：「白石山在東。」

〔七〕孟康曰：「允音鈐。」

〔八〕師古曰：「闕駟云西有（畢）（卑）和羌，即獻王莽地爲西海郡者也。抵音丁禮反。」

天水郡，武帝元鼎三年置。莽曰填戎。明帝改曰漢陽。^{〔一〕}戶六萬三百七十，口二十六萬一

千三百四十八。縣十六：平襄，莽曰平相。(三)街泉，戎邑道，莽曰填戎亭。望垣，莽曰望亭。罕升，(三)縣諸道，阿陽，略陽道，冀，禹貢朱圉山在縣南梧中聚。莽曰冀治。(四)勇士，屬國都尉治滿福。莽曰紀德。(五)成紀，清水，莽曰識睦。奉捷，隴，(六)獬道，騎都尉治密艾亭。(七)蘭干。莽曰蘭盾。

〔一〕師古曰：「秦州地記云郡前湖水冬夏無增減，因以名焉。填音竹真反。其後並同。」

〔二〕師古曰：「闕駰云故襄戎邑也。」

〔三〕應劭曰：「音羌肩反。」師古曰：「本破罕升之羌處其人於此，因以名云。」

〔四〕師古曰：「續漢郡國志云有緄羣山，落門聚。閭讀與圍同。」

〔五〕師古曰：「即今土俗呼爲健士者也。隨至之初避皇太子諱，因而遂改。」

〔六〕師古曰：「今呼隴城縣者也。」

〔七〕應劭曰：「獬，戎邑也，音完。」

武威郡，故匈奴休屠王地。武帝太初四年開。莽曰張掖。(二)戶萬七千五百八十一，口七萬六千四百一十九。縣十：姑臧，南山，谷水所出，北至武威入海，行七百九十里。張掖，武威，休屠澤在東北，古文以爲豬蹙澤。休屠，莽曰晏然。都尉治熊水障。北部都尉治休屠城。揶次，莽曰播德。(三)鸞(鳥)(鳥)，撲剽，莽曰敷虜。(三)媼圍，蒼梧，南山，枿陝水所出，北至揶次入海。莽曰射楚。(四)宣威。

〔一〕師古曰：「休音許蚪反。屠音直閭反。其後並同。」

〔三〕孟康曰：「摺音子如反。次音咨，諸本作恣。」

〔三〕孟康曰：「音蒲環。」

〔四〕師古曰：「裕，古松字也。陝音下夾反，兩山之間也。松陝，陝名。」

張掖郡，故匈奴昆邪王地，武帝太初元年開。莽曰設屏。〔二〕戶二萬四千三百五十二，口八萬八千七百三十一。縣十：饒得，千金渠西至樂涇入澤中。羌谷水出羌中，東北至居延入海，過郡二，行二千一百里。莽曰官式。〔三〕昭武，莽曰渠武。刪丹，桑欽以爲道弱水自此，西至酒泉合黎。莽曰貫虜。氏池，莽曰否武。屋蘭，莽曰傳武。〔四〕〔日〕勒，都尉治澤索谷。莽曰勒治。〔三〕驪軒，莽曰揭虜。〔四〕番和，農都尉治。莽曰羅虜。〔五〕居延，居延澤在東北，古文以爲流沙。都尉治。莽曰居成。〔六〕顯美。

〔二〕應劭曰：「張國臂掖，故曰張掖也。」師古曰：「昆音胡門反。」

〔三〕應劭曰：「饒得渠西入澤羌谷。」孟康曰：「饒音鹿。」師古曰：「孟音是也。涇音官。其下並同。」

〔三〕師古曰：「澤音鐸。索音先各反。」

〔四〕李奇曰：「音遲虔。」如淳曰：「音弓軒。」師古曰：「驪音力遲反。軒音虔是也。今其土俗人呼驪軒，疾言之曰力虔。」

揭音其謁反。」

〔五〕如淳曰：「番音盤。」

〔六〕師古曰：「闕駰云武帝使伏波將軍路博德築遮虜障於居延城。」

酒泉郡，武帝太初元年開。莽曰輔平。^(二)戶萬八千一百三十七，口七萬六千七百二十六。

縣九：祿福，呼蠶水出南羌中，東北至會水入羌谷。莽曰顯德。表是，莽曰載武。樂涓，莽曰樂亭。

天依，^(三)玉門，莽曰輔平亭。^(三)會水，北部都尉治偃^(前)泉障。東部都尉治東部障。莽曰蕭武。^(四)

池頭，綏彌，^(五)乾齊。西部都尉治西部障。莽曰測虜。^(六)

^(二)應劭曰：「其水若酒，故曰酒泉也。」師古曰：「舊俗傳云城下有金泉，泉味如酒。」

^(三)師古曰：「音衣。此地有天依阪，故以名。」

^(三)師古曰：「闕駰云漢罷玉門關屯，徙其人於此。」

^(四)師古曰：「闕駰云衆水所會，故曰會水。」

^(五)如淳曰：「今日安彌。」

^(六)孟康曰：「乾音干。」

敦煌郡，武帝後元年分酒泉置。正西關外有白龍堆沙，有蒲昌海。莽曰敦德。^(二)戶萬一千二

百，口三萬八千三百三十五。縣六：敦煌，中部都尉治步廣候官。杜林以爲古瓜州地，生美瓜。

莽曰敦德。^(三)冥安，南籍端水出南羌中，西北入其澤，溉民田。^(三)效穀，^(四)淵泉，^(五)廣至，宜禾都

尉治昆侖障。莽曰廣桓。龍勒。有陽關、玉門關，皆都尉治。氏置水出南羌中，東北入澤，溉民田。

^(二)應劭曰：「敦，大也。煌，盛也。敦音屯。」

〔三〕師古曰：「即春秋左氏傳所云『允姓之戎居于瓜州』者也。其地今猶出大瓜，長者狐入瓜中食之，首尾不出。」

〔三〕應劭曰：「冥水出北，入其澤。」

〔四〕師古曰：「本漁澤障也。桑欽說孝武元封六年濟南崔不意爲魚澤尉，教力田，以勤效得穀，因立爲縣名。」

〔五〕師古曰：「闕駰云地多泉水，故以爲名。」

安定郡，武帝元鼎三年置。戶四萬二千七百二十五，口十四萬三千二百九十四。縣二十

一：高平，莽曰鋪睦。復累，〔一〕安俾，〔二〕撫夷，莽曰撫寧。朝那，有端旬祠十五所，胡巫祝。又有

湫淵祠。〔三〕涇陽，升頭山在西，禹貢涇水所出，東南至陽陵入渭，過郡三，行六十里，雍州川。〔四〕臨

涇，莽曰監涇。鹵，濯水出西。〔五〕烏氏，烏水出西，北入河。都廬山在西。莽曰烏亭。〔六〕陰密，詩密

人國。有囂安亭。〔七〕安定，參繚，主騎都尉治。〔八〕三水，屬國都尉治。有鹽官。莽曰廣延亭。陰槃，

安武，莽曰安桓。祖厲，莽曰鄉禮。〔九〕爰得，昀卷，河水別出爲河溝，東至富平北入河。〔一〇〕彭陽，鶉

陰，月〔支〕〔氏〕道。莽曰月順。〔二〕

〔一〕師古曰：「復音服。累音力追反。」

〔二〕孟康曰：「俾音卑。」

〔三〕應劭曰：「史記故我郡邑也。」師古曰：「湫音子由反。」

〔四〕師古曰：「升音苦見反，又音牽。此山在今靈州東南，土俗語訛謂之游屯山。」

〔五〕師古曰：「濯音其于反。」

〔六〕師古曰：「氏音支。」

〔七〕師古曰：「即詩大雅所云『密人不恭，敢距大邦』者。」

〔八〕師古曰：「繚音力全反。」

〔九〕應劭曰：「祖音（置）置。」師古曰：「厲音賴。」

〔一〇〕應劭曰：「胸音旬日之旬。卷音箇，箇之箇。」

〔一一〕應劭曰：「氏音支。」

北地郡，秦置。莽曰威成。戶六萬四千四百六十一，口二十一萬六百八十八。縣十九：

馬領，〔二〕直路，沮水出（東，西）〔西，東〕入洛。靈武，莽曰威成亭。富平，北部都尉治神泉障。渾懷都

尉治塞外渾懷障。莽曰特武。〔三〕靈州，惠帝四年置。有河奇苑、號非苑。莽曰令周。〔三〕胸衍，〔四〕

方渠，除道，莽曰通道。五街，莽曰吾街。鶉孤，歸德，洛水出北蠻夷中，入河。有堵苑、白馬苑。回

獲，略畔道，莽曰延年道。〔五〕泥陽，莽曰泥陰。〔六〕郁郅，泥水出北蠻夷中。有牧師苑官。莽曰功

著。〔七〕義渠道，莽曰義溝。弋居，有鹽官。大夏，〔八〕廉。卑移山在西北。莽曰西河亭。

〔一〕師古曰：「川形似馬領，故以爲名。領，頸也。」

〔二〕師古曰：「渾音胡昆反。」

〔三〕師古曰：「苑謂馬牧也。水中可居者曰州。此地河之州，隨水高下，未嘗淪沒，故號靈州，又曰河奇也。二苑皆

在北焉。」

〔四〕應劭曰：「陶音煦。」師古曰：「音香于反。」

〔五〕師古曰：「有略畔山，今在慶州界，其土俗呼曰洛盤，音訛耳。」

〔六〕應劭曰：「泥水出郁郅北蠻中。」

〔七〕師古曰：「郁音於六反。郅音之曰反。」

〔八〕師古曰：「覓卽古覓字也，音一遙反。」

上郡，秦置，高帝元年更爲翟國，七月復故。匈奴都尉治塞外匈奴歸障。屬并州。〔二〕戶十萬三千六百八十三，口六十萬六千六百五十八。縣二十三：膚施，有五龍山、帝、原水、黃帝祠四所。獨樂，有鹽官。陽周，橋山在南，有黃帝冢。莽曰上陵時。木禾，平都，淺水，莽曰廣信。京室，莽曰積渠。洛都，莽曰卑順。白土，園水出西，東入河。莽曰黃土。〔三〕襄洛，莽曰上黨亭。原都，漆垣，莽曰漆牆。奢延，莽曰奢節。雕陰，〔三〕推邪，莽曰排邪。〔四〕楨林，莽曰楨幹。〔五〕高望，北部都尉治。莽曰堅甯。雕陰道，龜茲，屬國都尉治。有鹽官。〔六〕定陽，〔七〕高奴，有洧水，可糴。莽曰利平。〔八〕望松，北部都尉治。宜都。莽曰堅寧小邑。

〔一〕師古曰：「匈奴者，言匈奴歸附。」

〔二〕師古曰：「圓音銀。其釋在下。」

〔三〕應劭曰：「雕山在西南。」

〔四〕師古曰：「邪音似嗟反。」

〔五〕師古曰：「楨音貞。」

〔六〕應劭曰：「晉丘慈。」師古曰：「龜茲國人來降附者，處之於此，故以名云。」

〔七〕應劭曰：「在定水之陽。」

〔八〕師古曰：「黠，古然火字。」

西河郡，武帝元朔四年置。南部都尉治塞外翁龍、埤是。莽曰歸新。屬并州。〔一〕戶十三萬六

千三百九十，口六十九萬八千八百三十六。縣三十六：富昌，有鹽官。莽曰富成。騶虞，鵠

澤，〔二〕平定，莽曰陰平亭。美稷，屬國都尉治。中陽，樂街，莽曰截虜。徒經，莽曰廉恥。泉狼，

大成，莽曰好成。廣田，莽曰廣翰。圓陰，惠帝五年置。莽曰方陰。〔三〕益蘭，莽曰香蘭。平周，鴻

門，有天封苑火井祠，火從地出也。蘭，宣武，莽曰討貉。千章，增山，有道西出眩雷塞，北部都尉

治。〔四〕圓陽，〔五〕廣衍，武車，莽曰桓車。虎猛，西部都尉治。離石，穀羅，武澤在西北。饒，莽曰

饒衍。方利，莽曰廣德。隰成，莽曰慈平亭。臨水，莽曰〔堅〕〔監〕水。土軍，西都，莽曰五原亭。平

陸，陰山，莽曰山寧。鮠是，莽曰伏鮠。〔六〕博陵，莽曰助桓。鹽官。

〔一〕師古曰：「翁龍、埤是，二障名也。埤音婢。」

〔二〕孟康曰：「鵠音告。」師古曰：「音古督反。」

〔三〕師古曰：「圓字本作圖，縣在圖水之陰，因以爲名也。王莽改爲方陰，則是當時已誤爲圓字。今有銀州、銀水，即

是舊名猶存，但字變耳。」

〔四〕師古曰：「眩晉州縣之縣。」

〔五〕師古曰：「此縣在閩水之陽。」

〔六〕蘇林曰：「音廳。」師古曰：「鯢音倪，其字從角。」

朔方郡，武帝元朔二年開。西部都尉治窳渾。莽曰溝搜。屬并州。〔二〕戶三萬四千三百三十

八，口十三萬六千六百二十八。縣十：三封，武帝元狩三年城。朔方，金連鹽澤、青鹽澤皆在南。

莽曰武符。修都，臨河，莽曰監河。呼遘，〔三〕窳渾，有道西北出雞鹿塞。屠申澤在東。莽曰極武。

渠搜，中部都尉治。莽曰溝搜。沃犂，武帝元狩三年城。有鹽官。莽曰綏武。廣牧，東部都尉治。莽

曰鹽官。臨戎，武帝元朔五年城。莽曰推武。

〔一〕師古曰：「窳音庾。渾音魂。」

〔二〕師古曰：「適音在由反。」

五原郡，秦九原郡，武帝元朔二年更名。東部都尉治稠陽。莽曰獲降。屬并州。〔二〕戶三萬九

千三百二十一，口二十三萬一千三百二十八。縣十六：九原，莽曰成平。固陵，莽曰固調。五

原，莽曰填河亭。臨沃，莽曰振武。文國，莽曰繁聚。河陰，蒲澤，屬國都尉治。南興，莽曰南利。

武都，莽曰桓都。宜梁，曼柏，莽曰延柏。〔三〕成宜，中部都尉治原高，西部都尉治田辟。有鹽官。莽

曰艾虜。^{〔三〕}稠陽，北出石門障得光祿城，又西北得支就城，又西北得頭曼城，又西北得摩河城，又西得宿虜城。莽曰固陰。^{〔四〕}莫貳，^{〔五〕}西安陽，莽曰鄆安。河目。

〔一〕師古曰：「稠音固。」

〔二〕師古曰：「曼音萬。」

〔三〕師古曰：「辟讀曰壁。艾讀曰刈。」

〔四〕師古曰：「曼音莫安反。摩音呼。」

〔五〕如淳曰：「音怛怛。」師古曰：「音丁葛反。」

雲中郡，秦置。莽曰受降。屬并州。戶三萬八千三百三，口十七萬三千二百七十。縣十

一：雲中，莽曰遠服。咸陽，莽曰賁武。陶林，東部都尉治。楨陵，緣胡山在西北。西部都尉治。莽曰

楨陸。犢和，沙陵，莽曰希恩。原陽，沙南，北與，中部都尉治。^{〔一〕}武泉，莽曰順泉。陽壽。莽曰常得。

〔一〕師古曰：「顯顯云廣陵有輿，故此加北。」

定襄郡，高帝置。莽曰得降。屬并州。戶三萬八千五百五十九，口十六萬三千一百四十

四。縣一十二：成樂，桐過，莽曰椅桐。^{〔二〕}都武，莽曰通德。武進，白渠水出塞外，西至沙陵入河。西

部都尉治。莽曰伐蠻。襄陰，武泉，荒干水出塞外，西至沙陵入河。中部都尉治。莽曰永武。駱，莽曰

遮要。定陶，莽曰迎符。武城，莽曰桓就。武要，東部都尉治。莽曰厭胡。^{〔三〕}定襄，莽曰著武。復

陸。莽曰聞武。^{〔三〕}

〔二〕師古曰：「過音工禾反。」

〔三〕師古曰：「厭音一葉反。其下並同。」

〔三〕師古曰：「復音服。」

鴈門郡，秦置。句注山在陰館。莽曰填狄。屬并州。戶七萬三千一百三十八，口二十九萬

三千四百五十四。縣十四：善無，莽曰陰館。沃陽，鹽澤在東北，有長丞。西部都尉治。莽曰敬陽。

繁峙，莽曰當要。〔二〕中陵，莽曰遮害。陰館，樓煩鄉。景帝後三年置。累頭山，治水所出，東至泉州

入海，過郡六，行千一百里。莽曰富代。〔三〕樓煩，有鹽官。〔三〕武州，莽曰桓州。涅陶，〔四〕劇陽，莽曰

善陽。崞，莽曰崞張。〔五〕平城，東部都尉治。莽曰平順。埽，莽曰填狄亭。馬邑，莽曰章昭。〔六〕彊陰。

諸聞澤在東北。莽曰伏陰。

〔二〕師古曰：「時音止。」

〔三〕師古曰：「累音力追反。治音弋之反。燕刺王傳作台字。」

〔三〕應劭曰：「故樓煩胡地。」

〔四〕孟康曰：「音汪。」

〔五〕孟康曰：「音郭。」

〔六〕師古曰：「晉太康地記云秦時建此城輒崩不成，有馬周旋馳走反覆，父老異之，因依以築城，遂名爲馬邑。」

代郡，秦置。莽曰厭狄。有五原關、常山關。屬幽州。^(二)戶五萬六千七百七十一，口二十七萬八千七百五十四。縣十八：桑乾，莽曰安德。^(三)道人，莽曰道仁。^(四)當城，^(五)高柳，西部都尉治。馬城，東部都尉治。班氏，秦地圖書班氏。莽曰班副。延陵，獠氏，莽曰獠聚。^(六)且如，于延水出塞外，東至寧入沽。中部都尉治。^(七)平邑，莽曰平胡。陽原，東安陽，莽曰竟安。^(八)參合，平舒，祁夷水北至桑乾入沽。莽曰平葆。代，莽曰厭狄亭。^(九)靈丘，滹河東至文安入大河，過郡五，行九百四十里。并州川。^(一〇)廣昌，淶水東南至容城入河，過郡三，行五百里，并州窰。莽曰廣屏。^(一一)鹵城。虜池河東至參^(合)戶^(戶)入虜池別，過郡九，行千三百四十里，并州川。從河東至文安入海，過郡六，行千三百七十里。莽曰魯盾。^(一二)

〔一〕應劭曰：「故代國。」

〔二〕孟康曰：「乾音干。」

〔三〕師古曰：「本有仙人遊其地，因以爲名。」

〔四〕師古曰：「闕駰云當桓都城，故曰當城。」

〔五〕孟康曰：「獠音權。氏音精。」

〔六〕師古曰：「且音子如反。沽音姑，又音故。」

〔七〕師古曰：「闕駰云五原有安陽，故此加東也。」

〔八〕應劭曰：「故代國。」

〔九〕應劭曰：「武靈王葬此，因氏焉。」臣瓚曰：「靈丘之號在趙武靈王之前也。」師古曰：「瓚說是也。滌音寇，又音苦侯反。其下並同。」

〔一〇〕師古曰：「涿音來。」

〔一一〕師古曰：「虛音呼。池音徒河反。」

上谷郡，秦置。莽曰朔調。屬幽州。戶三萬六千八百一十一，口十一萬七千七百六十二。縣十五：

沮陽，莽曰沮陰。〔一〕泉上，莽曰塞泉。潘，莽曰樹武。〔二〕軍都，溫餘水東至路，南入沽。居庸，有關。

薊，〔三〕夷輿，莽曰朔調亭。寧，西部都尉治。莽曰博康。昌平，莽曰長昌。廣寧，莽曰廣康。涿

鹿，莽曰拊陸。〔四〕且居，〔樂陽〕〔陽樂〕水出東，〔東〕〔南〕入〔海〕〔沽〕。莽曰久居。茹，莽曰穀武。女祁，

東部都尉治。莽曰祁。下落。莽曰下忠。

〔一〕孟康曰：「音組。」

〔二〕師古曰：「音普半反。」

〔三〕孟康曰：「音句無。」師古曰：「薊音工豆反。晉音莫豆反。」

〔四〕應劭曰：「黃帝與蚩尤戰于涿鹿之野。」

漁陽郡，秦置。莽曰〔北順〕〔通路〕。屬幽州。戶六萬八千八百一十一，口二十六萬四千一百一十

六。縣十二：漁陽，沽水出塞外，東南至泉州入海，行七百五十里。有鐵官。莽曰得漁。狐奴，莽曰

舉符。路，莽曰通路亭。雍奴，泉州，有鹽官。莽曰泉調。平谷，安樂，庠奚，莽曰敦德。(二)獷平，莽曰平獷。(三)要陽，都尉治。莽曰要術。(三)白檀，洹水出北蠻夷。(四)滑鹽，莽曰匡德。(五)

(一)孟康曰：「庠音題，字或作蹄。」

(二)服虔曰：「獷音輦。」師古曰：「音九永反，又音穢。」

(三)師古曰：「音一妙反。」

(四)師古曰：「洹音呼鵠反。」

(五)應劭曰：「明帝改名鹽。」

右北平郡，秦置。莽曰北順。屬幽州。戶六萬六千六百八十九，口三十二萬七百八十。

縣十六：平剛，無終，故無終子國。洹水西至雍奴入海，過郡二，行六百五十里。(一)石成，廷陵，莽曰鋪武。俊靡，洹水南至無終東入庚。莽曰俊麻。(三)賁，都尉治。莽曰哀睦。(三)徐無，莽曰北順亭。字，榆水出東。土垠，(四)白狼，莽曰伏狄。(五)夕陽，有鐵官。莽曰夕陰。昌城，莽曰淑武。驪成，大揭石山在縣西南。莽曰揭石。(六)廣成，莽曰平虜。聚陽，莽曰篤睦。平明。莽曰平陽。

(一)師古曰：「洹音庚，卽下所云入庚者同一水也。」

(二)師古曰：「漫音力水反，又音郎賄反。」

(三)師古曰：「音才私反。」

(四)師古曰：「垠音銀。」